

Organisaziun - Instrucziun - Acziun dalla protecziun civila

Autor(en): [s.n.]

Objekttyp: **Article**

Zeitschrift: **Zivilschutz = Protection civile = Protezione civile**

Band (Jahr): **15 (1968)**

Heft 12

PDF erstellt am: **26.06.2024**

Persistenter Link: <https://doi.org/10.5169/seals-365548>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Organisaziun – Instrucziun – Acziun dalla protecziun civila

Senza dubi vegn ils 2 d'october 1959 a valer sco crap da cantun el svilup dalla historia dalla defensiun dalla Svizra. Gliez di ha il pievel svizzer acceptau in supplement digl artechel 22 dalla constituziun federala cun 380 631 gie enconter 230 701 na. Sin fundament da quei niev artechel han ins lu concepiu la nova Lescha federala concernent la protecziun civila dils 23 da mars 1962 sco era la Lescha federala dils 4 d'october 1963 che pertucca las disposiziuns dils baghetgs per la protecziun civila. Ei setracta da disposiziuns che han per mira da rugalar e metter en uorden ils gronds e zun impurtonts pensums da nossa protecziun civila.

Schegie che la Lescha federala dils 1962 fuorma in bien fundament eisi auncallura stau necessari che mintga singul Cantun concepeschi ina Lescha d'introducziun. Quell'uisa eisi era da capir che nus vein piars in tshuat temps. Il Cantun Grischun ha en quei grau prestau lavur da vaglia che sa valer per exempel schizun a nos cumpatriots dil Cantun digl Aargau.

Cun la Lescha d'introducziun cantunala han ils Cantuns saviu stipular ils pensums e las obligaziuns che ein d'adossar allas vischnauncas, che han da lur vart d'exequir la gronda lavur d'organisaziun dil schurmetg civil.

En la protecziun civila vegnan incorporai ed era instrui tut ils umens che ein declarai nunhabels per il survetsch militar, ils dispensai da 20 tochen 60 onns, sco era la schuldada relaschada dil survetsch militar, che ha cumpleniu ils 50 onns tochen ils 60. L'instrucziun ei precisada e la realisaziun dependa dallas pusseivladads da mintga Cantun. Perinagada existan aunc ualti gron-

das differenzas da Cantun tier Cantun, perquei ch'ei maunca per gronda part ils loghens e las instituziuns d'instrucziun.

Perencunter san ins constatar in grond success el sectur dils baghetgs dalla protecziun civila. Dapi che la Lescha suranumnada exista e ch'ins ha fixau las contribuziuns federalas, cantunales e communalas per tals baghetgs da schurmetg, eisi vegniu realisau fetg bia. La capacita da baghetgs da schurmetg els marcaus ed en las vischnauncas pli grondas ei vegnida ingrondida taluisa, che la pli gronda part dalla populaziun da quellas regiuns ha veramein la pusseivladad d'anflar in suttetg da schurmetg en baghetgs construi il davos temps. Empau mender ei la situaziun en quartiers da baghetgs vegls. Quellas munconzas san denton vegnir remediadas, essend che las subvenziuns prevedidas ein vegnidas augmentadas considerablamein. Speranza che era biars possessurs da casas privatas vegnan a far diever da quella purschida.

Dapresent ein las fatschentas da baghegiar el cass da sorprender talas lavurs e d'exequir ellas per cumpleina cuntentientscha dil possessur. Tochen ussa ha nossa Secziun grischuna per la protecziun civila buca giu da semetter en funcziun, per cletg e ventira buc. Nus savein denton meinsvart seperschuader sez contas gadas che las formaziuns da certas cuntradas da nossa patria ein vegnidas clamadas en agid, seigi quei tier disgrazias da lavinas, bovas, inundaziuns, etc.

La mira ed il pensum principal dalla protecziun civila consista enten procurar schurmetg a nossa populaziun en temps da pasch cun caschun da disgrazias sco era en temps d'uiara. Pli bein che la organisaziun per la

protecziun civila funcziunescha e pli bia da nos cuncarstgauns che san vegnir spindrai dalla mort. Ei ha pianum da sepreparar sco s'auda tochen ch'igl ei aunc temps, sinaquei che nus seigien el cass da sliagar ils pli grevs pensums che san sepreparar d'in di a l'auter.

In sguard alla planisaziun dalla protecziun civila el Grischun

Il Cantun Grischun ha fatg gronds sforzs en quei grau. Sco in dils emprems Cantuns dispona el gia d'ina Lescha d'introducziun. Ins ei vidlunder da inventarisar e giudicar las mesiras ch'ei da prender en las singulas vischnauncas. Tochen la primavera proxima duessen tut las vischnauncas, che ein suttamessas alla lescha e che han da procurar per ina organisaziun dalla protecziun civila, esser el cass da saver prender lur disposiziuns. Ei setracta da concepirla in plan dils baghetgs da schurmetg, in plan dils prighels, e la disposiziun dall'entira organisaziun. Quella planisaziun duei lu formar il pugn da partenza per la cumposiziun dalla defensiun civila. Da quei resulta allura la forza dil schurmetg civil, l'armaziun e la residenza. Enteifer igl onn d'uonn eisi vegniu reparti allas vischnauncas material en la valeta da 1,1 milliun francs. L'instrucziun dils schefs locals (64 vischnauncas) ha giu liug da cuort. Tochen igl onn 1970 duess aschia l'entira organisaziun da nossas vischnauncas esser alla fin.

La secziun grischuna dall'Uniuon svizra per la protecziun civila vegn sco tochen dacheu a far tut il pusseivel per promover il patratg e la mira dalla protecziun civila enteifer la populaziun da nies Cantun muntagnard. -wd-

Der Chef einer Zivilschutz-Organisation

war erstaunt über die Möglichkeit, wie wir sein Verbindungsschema A 4 auf 100 x 150 cm vergrösserten; er konnte es so seinem Mitarbeiterstab wesentlich besser erklären.

Ob Block-, Sektor- oder Schutzraumpläne – wir reproduzieren (verkleinern, vergrössern, kopieren, drucken ein- oder mehrfarbig) zuverlässig und in kürzester Zeit. Dass wir dabei die preislich vorteilhafteste Lösung treffen, ist für uns selbstverständlich.

Unser Personal ist gut geschult, hat grosse Erfahrung und garantiert für einwandfreie Reproduktion Ihrer Vorlagen. Rufen Sie uns an. Wir beraten Sie unverbindlich.

Ed. Aerni-Leuch 3000 Bern 14

Reproduktionsanstalt / Fabrik technischer Papiere Zieglerstrasse 34 Telefon 031 25 92 22

EAL